



ANITA ABU HASAN, AZIHAN GHAZALI & NORAINNA HAMZAH

Dalam kekalutan orang ramai menjangkakan harga barang naik akibat kenaikan tarif elektrik pengguna komersial, rupanya harga barang di pasar sebenarnya sudah mahal.

Bukan tanggapan berdasarkan persepsi semata-mata tetapi ia adalah hasil tinjauan Sinar Siasat di sebuah pasar di Selangor minggu ini.

Ada pengguna mendakwa harga sayuran melampau. Peniaga pula mendakwa terpaksa menjual hasil jualan dengan harga tinggi kerana harga daripada pembekal tinggi?

Persoalannya pertama, ketika tinjauan kami lakukan mengapa ada peniaga mendakwa mendapat harga daripada pemborong pada kadar harga tinggi?

Persoalan kedua, apa punca harga barang di pasar naik? Nak kata kerana cukai barang dan perkhidmatan (GST), mustahil!

Bermakna kalut dan kebimbangan rakyat berkaitan harga barang makanan nampaknya

tidak berkesudahan.

Hendak menjelaskan hal ini kita semua perlu memahami situasi terlebih dahulu. Jangan ada pula pihak memandai-mandai mengaitkan isu harga barang ini naik berkaitan GST.

Apa kena mengena GST sifar dan lebih lucu ada mengaitkan semua barang dengan GST.

Patutkah rakyat dibiarkan terbelenggu oleh persoalan harga barang ini. Baiklah, untuk barang melibatkan GST, mungkin tidak perlu bimbang lantaran baru-baru ini Menteri Perdagangan Dalam Negeri dan Hal Ehwal Pengguna (KPDNHEP) Datuk Saifuddin Nasution Ismail mengatakan, peniaga mengakui ada penurunan harga barang dibeli daripada pemborong dan mereka boleh tawarkan harga lebih murah kepada pembeli.


Beliau berkata demikian ketika membuat tinjauan di Pasar Bayan Baru, baru-baru ini dan Saifuddin mempertahankan hasil kajian kementeriannya yang mendapati 70 peratus barang pengguna mengalami penurunan

harga sejak pelaksanaan kadar sifar GST sejak 1 Jun lalu.

Nampaknya faktor kenaikan harga barang ini perlu dilihat secara meluas untuk diperincangkan supaya pengguna tidak terbeban seterusnya keliru. Tetapi apakah penyebab lain harga barang naik?



# KOS ELEKTRIK BUKAN PUNCA HARGA BARANG NAIK



## Fomca jangka harga barang akan naik

GABUNGAN Persatuan Pengguna Malaysia (Fomca) menjangkakan harga barang dan perkhidmatan dijangka naik berikutnya penyelarasan surc妖 kos tak berimbang (ICPT) kepada semua pengguna bukan domestik di Semenanjung Malaysia bagi tempoh 1 Julai sehingga 31 Disember.

Timbalan Presiden Fomca, Mohd Yusof Abdul Rahman berkata, jangkaan itu dibuat berdasarkan senario kenaikan harga barang sebelum ini susulan peningkatan kos operasi.

Menurutnya, kebiasaan yang sama juga boleh dilihat apabila kos peningkatan berkenaan dipindahkan secara terus oleh peniaga kepada pengguna.

"Buat masa ini kita belum lagi mendapat aduan daripada pengguna berhubung peningkatan harga barang susulan penyelarasan ICPT ini. Namun,



MOHD YUSOF

kita menjangkakan peningkatan harga barang berdasarkan senario sebelum ini.

"Pun begitu, kita telah menerima beberapa aduan mengenai peningkatan harga barang dan kita tidak menolak berlakunya peningkatan harga barang susulan penyelarasannya ini terutamanya bagi kedai

yang banyak menggunakan peralatan elektrik... ini akan memberikan kesan," katanya ketika dihubungi Sinar Harian, semalam.

Yusof berkata, isu kenaikan harga barang perlu diambil serius oleh kerajaan lebih-lebih lagi antara manifesto utama Harapan adalah bagi mengurangkan kos sara hidup rakyat.

"Ini membabitkan keyakinan rakyat dan kita harap agar pihak kerajaan dapat menangani isu ini," katanya.

ADALAH tidak wajar jika industri menggunakan alasan penyelarasan surc妖 kos tak berimbang (ICPT) untuk menaikkan harga barang dan perkhidmatan.

Penganalisis Ekonomi Mohd Yusof Saari berkata, apatah lagi dengan tiada cukai sehingga September depan maka tindakan industri menaikkan harga sepatutnya tidak berlaku.

"Analisis mendapati pelarasian ICPT dijangka memberi kesan minimum kepada kos pengeluaran industri. Ini bersandarkan kepada data bahawa kos penggunaan elektrik oleh industri adalah rendah.

"Misalnya bagi industri pembuatan, kos penggunaan elektrik hanya menyumbang sekitar 1.5 peratus daripada keseluruhan kos bahan mentah."

"Bagi industri pembuatan makanan pula, kos penggunaan elektrik hanya menyumbang sekitar 0.8 peratus daripada keseluruhan kos bahan mentah," katanya.

Pensyarah Kanan di Fakulti Ekonomi dan Pengurusan, Universiti Putra Malaysia (UPM) itu bagaimanapun berkata, terdapat faktor-faktor lain selain cukai barang dan perkhidmatan (GST) dan kos elektrik yang boleh mempengaruhi pergerakan harga dalam pasaran.

"Antara faktor utama perlu ditangani secara serius adalah kejatuhan nilai ringgit yang



menyebabkan kos import bahan mentah menjadi lebih mahal. Faktor ini mempengaruhi sama ada secara langsung atau tak langsung kepada kos pengeluaran keseluruhan industri di Malaysia.

Bagi firma penjana elektrik, arang batu yang digunakan sebagai bahan utama adalah diimport. Kejatuhan nilai ringgit menyebabkan kos import menjadi mahal dan seterusnya meningkatkan kos pengeluaran perjanaan elektrik. Ini menyumbang kepada keputusan kerajaan membuat penyelarasian ICPT," jelasnya.

Terdahulu, kerajaan melalui Suruhanjaya Tenaga (ST) memutuskan untuk melepaskan kos peningkatan 1.35 sen/kWj dalam bentuk surc妖 "kos tak berimbang" kepada semua pengguna bukan domestik di Semenanjung Malaysia bagi tempoh 1 Julai sehingga 31 Disember tahun ini.

Bagi pengguna domestik dengan penggunaan elektrik tidak melebihi 300 kWj, pelarasian ICPT ini dijangka tidak memberi kesan kepada mereka.

Bagaimanapun wujud gesaun untuk kerajaan mengkaji semula keputusan pelarasian ICPT kerana bimbang pihak industri mengambil peluang menaikkan harga atau tidak menurunkan harga walaupun dalam tempoh cukai GST berkadar sifar.